

**Daut Gott-Mensch Läden fa eene niee Erwakjunkt**

Bibel Läsunk: 3. Mose 1:3, 9; 6:8–13; Joh. 21:15–17;  
1. Joh. 3:14; 5:1; 2:6; 4:17; Gal. 6:2–3; Rma. 8:2

**I. Daut Velangen von Gott Sien Hoat es, daut “de Werkjlichkheit ... en Jesus” (Efs. 4:21), daut es de werkjelja Toostaunt von daut Gott-Mensch Läden von Jesus, aus et en de vea Evangeliums oppjeschräwen es, vedobbelt woaren en de väle Jlieda von Christus Sien Kjarpa, derch dän Jeist von Werkjlichkheit, om de Werkjlichkheit vom Kjarpa von Christus to woaren, de hechste Spetz en Gott Siene Ekonomie, fa eene niee Erwakjunkt (V. 20–24):**

- A. De vea Evangeliums wiesen daut Väabilt von daut Läden, waut Gott velangt, de Form von daut Läden, waut Gott tofräd stalt un Sienen Väasauz utfiet; Jesus läwd een Läden, en wäm Hee aules deed en Gott, met Gott, un fa Gott; Gott wia en Sien Läden, un Hee wia Eent met Gott; dit es, waut meent woat met: de Werkjlichkheit es en Jesus; Christus lieren no de Werkjlichkheit, waut en Jesus es, es, en Sien Väabilt jefornt to woaren, to Sien Bilt jlikj jemoakt to woaren — Rma. 8:28–29; Efs. 4:20–21.
- B. Wie woaren vom Harn volkomen jemoakt, Gott-Menschen to sennen, daut jettliche Läden to läwen, derch daut velieejen von ons natieedliche Läden, no däm Moddel von Christus aus dän ieeschten Gott-Mensch — Mat. 11:29a; 17:5b; 1.Pet. 2:21:
  - 1. En Sien Läden opp de leed stald Hee een Väabilt opp, aus et en de vea Evangeliums openboa woat; doahinja wort Hee jekjriezicht un oppjestonen, om de Läden-jäwende Jeist to woaren, doamet Hee en ons nenkommen kaun om ons Läden to sennen; wie lieren von Am no Sien Biespel, nich derch ons natieedlichet Läden, oba derch Am aus onse Läden en Opperstonunk — 1.Kor. 15:45b; Kol. 3:4.
  - 2. Ons Christen-Läden es een Läden en Christus un uk een Läden von Christus en ons; wie sent en Christus aus de Form, un Hee es en ons aus ons Läden; soo lieren wie Christus no de Werkjlichkheit, waut en Jesus es; dise Werkjlichkheit es de Werkjlichkheit vom Kjarpa von Christus — 1.Kor. 1:30; 2.Kor. 5:17; 12:2a; Kol. 1:27; Gal. 2:20; Rma. 8:10.
- C. Wan wie dän Harn leewen, Am berieren, un to Am bäden, läwen wie Am automatisch no de Form, daut Väabilt, waut en de Evangeliums beschräwen es; soo woaren wie jefornt, jlikj jemoakt, no dit Väabilt — dit es, waut et bediet, Christus to lieren — Mat. 11:29; Rma. 8:29.
- D. Wan wie en däm jemenjden Jeist läwen, lieren wie Christus no de Werkjlichkheit en Jesus derch dän Jeist von Werkjlichkheit; wie lieren von Am aus onse Biespel, doamet Sien Läden-Jeschicht onse Jeschicht woat; daut Läden vom Kjarpa von Christus aus de niee Mensch sull gaunz jlikj sennen aus daut Läden von Jesus, waut en de Evangeliums openboa woat — Gal. 6:17–18; Rma. 1:1, 9; Efs. 4:20–24; Flp. 2:5; Mat. 11:29; 1.Pet. 2:21.
- E. Gott Sien Väasauz en däm Harn Jesus Schekjen, om een Mensch to sennen, wia, daut Hee een Gott-Mensch Läden läwen sull derch daut jettliche Läden; wan wie Am äten, läwen wie derch Am, om een eenen universalen grooten Mensch to woaren, waut gaunz jlikj es aus Hee — een Mensch, waut een Gott-Mensch Läden läft derch daut jettliche Läden — Klg. 3:22–24, 55–56; Opb. 2:4, 7; Joh. 6:57, 63; Jer. 15:16; Efs. 6:17–18; Ps. 119:15.

**II. Daut eensje Läden, waut Gott tofräd stalt, es daut Läden, waut eene Wadaholunk es von daut Läden, waut Christus opp de leed jeläft haft; dit es een Läden, waut Christus erfoaren en Siene Erfoarungen aus daut Braunt-Opfa — 3. Mose 1:9; Joh. 8:29; 2.Kor. 5:9:**

- A. Daut Braunt-Opfa bediet Christus en Sien Läden, wua Hee een Läden läwd, waut gaunz fa Gott un fa Gott Siene Tofrädstalunk wia; daut Braunt-Opfa bediet uk Christus en Sien Sennen aus daut Läden, waut Gott Sien Volkj fäich moakt, soo een Läden to läwen — 3. Mose 1:3; 4. Mose 28:2–3; Joh. 5:30; 6:38; 8:29; Heb. 10:5–10.

- B. Daut Wuat “Braunt-Opfa” bediet een Dinkj, waut noppsticht; dit Noppstieen wiest opp Christus (3. Mose 1:3, 10, 14); daut eenje, waut von de leed no Gott noppstieen kaun, es daut Lāwen, waut Christus jelāft haft, wiels Hee de eenje Person es, waut een Lāwen gaunz fa Gott jelāft haft (Joh. 6:38).
- C. Daut Braunt-Opfa wia “een Tofrādstalenda Jeroch fa Jehova” (3. Mose 1:9); de hebrāische Äwasatunk dit “Tofrādstalenda Jeroch” buakstāwlich meent “Jeroch von Ru un Tofrādstalunk”; en Tofrādstalenda Jeroch es een Jeroch, waut tofrādenheit, Frād, un Ru brinj; soo een Jeroch es een Jeniess fa Gott.
- D. Christus Sien Lāwen en ons es de Werkjlichkheit vom Braunt-Opfa — dit es een Lāwen von Jehuarsom, een Lāwen von Unjaordnunk, un een Lāwen von gaunz aufhenjich sen von Gott no dām Prinzip vom Lāwens Boom — Flp. 2:8; Joh. 5:19, 30; Heb. 5:8; 10:7:
  - 1. Mensch onaufhenjich haundlen, auleen, un buta von Gott, es Sind; Gott well, daut wie en aules no Siene Aunwiesunk haundlen en jieda dinkj — Ps. 40:7–8; 1. Joh. 3:4.
  - 2. “Wāa daut Gottesrikj nich soo aunneimt aus een kjlienet Kjint, woat doa nich nenkomen” (Luk. 18:17); Gott well, daut wie aule Tiet aus een kjlienet Kjint sennen, wiels Hee well, daut wie aule Tiet von Am aufhenjich sennen; Selbst-vetruen es de Fient von Gott-aufhenjichkheit.
- E. Derch daut Opplajen von onse Hānj opp Christus aus onse Braunt-Opfa, derch daut rajchte Bāden, woaren wie met Am vebungen, un Hee un wie woaren Eent; aus Christus en ons läft, wadaholt Hee en ons daut Lāwen, waut Hee opp de leed jelāft haft — V. 4; 1.Kor. 6:17; Gal. 2:20.
- F. En son Vebintnis woaren aule onse Schwackheiten, Mangel un Fāla von Am oppjenomen — 2.Kor. 5:21; Gal. 2:20a.
- G. Wie motten dām Harn tooloten, ons to vebrennen, doamet wie een aunhoolendet Braunt-Opfa woaren, aundre vebrennen, un to Asch jebrocht woaren, om daut Niece Jerusalem to woaren fa Gott Sien Utdruck — Ps. 20:3; 3. Mose 1:16; 6:8–13; 1.Kor. 3:12a; Opb. 3:12; 21:2, 10–11, 18–21:
  - 1. De Asch bediet Christus, to nuscht jebrocht; wiels wie Eent sent met Christus, waut to Asch jebrocht es, woaren wie uk to Asch jebrocht — Mark. 9:12; Jes. 53:3; 1.Kor. 1:28; 2.Kor. 12:11.
  - 2. Jemea wie met Christus en Sien Doot eent jemoakt sent, jemea woaren wie vestonen, daut wie een Klompen Asch woaren; wan wie Asch woaren, sent wie kjeen natieedlicha Mensch mea; en de Stād sent wie ne Person, waut jekriezicht, too Enj jebrocht un vebrent es — Gal. 2:20a.
- H. De Asch opp de Oostne Sied vom Alta Han doonen wiest opp Opperstonunk — 3. Mose 1:16; Joh. 11:25; Flp. 3:10–11; 2.Kor. 1:9:
  - 1. Met Christus aus daut Braunt-Opfa es de Asch nich daut Enj — see es de Aunfank; de Asch bediet, daut Christus jestorwen es, oba de Oosten bediet Opperstonunk — Mark. 9:31.
  - 2. Jemea wie en Christus to Asch jebrocht woaren, jemea woaren wie nom Oosten jesat, un em Oosten woaren wie de Sechaheit haben, daut de Sonn oppgonen woat un daut wie dān Sonnoppgank von Opperstonunk belāwen woaren — Flp. 3:10–11.
- I. Entlich woat de Asch daut Niece Jerusalem woaren — Opb. 3:12; 21:2, 10–11:
  - 1. Christus Sien Doot brinj ons toom Enj, brinj ons to Asch, un en Opperstonunk woat de Asch kostboaret Material fa Gott Sien Bu — 1.Kor. 3:9b, 12a.
  - 2. Wan wie to Asch jebrocht woaren, woaren wie en de Omwaundlunk vom Dree-eenen Gott jebrocht, om kostboaret Material to woaren fa daut Bu vom Nienen Jerusalem — Rma. 12:1–2; 2.Kor. 3:18; Opb. 21:18–21.

**III. En daut Utfieren von Gott Sien nietestamentliche Deenst, deed de Har Jesus, aus de Werkjlichkheit vom Braunt-Opfa, nuscht von Sikj Selfst (Joh. 5:19), Hee deed nich Sien ieejnet Woakj (4:34; 17:4), Hee rād nich Sien ieejnet Wuat (14:10, 24), Hee deed aules nich no Sien ieejnen Wellen (5:30), un Hee socht nich Siene ieejne Harlichkheit (7:18); Hee wia kjeemol enteischt, wiels Hee bloos met Gott tofrād wia (Jes. 42:4; 50:4–5; 53:2a; vgl. Joh. 4:13–14; 6:15; Mark. 9:7–8):**

- A. Dām Harn Sien Lāwen wia Sien Woakj, Siene Bewāajunk, un Sien Deenst; Sien Woakj wia Sien Lāwen, un Sien Bewāajunk wia Sien Wāsent; bie Am wia kjeen Unjascheet tweschen Sien Lāwen, Sien Woakj, Siene Bewāajunk, un Sien Deenst; de Har Jesus läwd Sien Deenst — vgl. Luk. 22:26–27; Joh. 10:10b; 1.Kor. 15:45b; 1.Joh. 5:16a; 2.Kor. 3:6; Flp. 1:25.

- B. De Har Jesus wia een Mensch von Jebäd, foaken jink Hee opp däm Boaj ooda trock Sikj trigj no een stelle Städ, om to bäden — Mat. 14:23; Mark. 1:35; Luk. 5:16; 6:12; 9:28.
  - C. No däm Wunda, wua Hee fieft dusent Menschen jefeeft haud, dwunk Hee Siene Jinja, von Am to gonon, doamet Hee mea Tiet kunn haben, om auleen met Sienem Voda to bäden — Mat. 14:22–23:
    - 1. En de Städ von een Mensch (4:4), de himmlischa Kjennich, aus de jeleewda Sän vom Voda (3:17), must Hee auleen to Sienem Voda em Himmel bäden, doamet Hee Eent met däm Voda sennen kunn un daut de Voda met Am sennen kunn en aules, waut Hee opp de leed deed, fa daut Opprechten vom Himmel-Kjennichrikj.
    - 2. Hee deed dit nich en eene Wieste, oba opp däm Boaj, un leet aule Menschen, sogoa Siene Jinja, wajch, doamet Hee auleen sennen kunn, om dän Voda to berieren.
  - D. Wiels Hee een Mensch von Jebäd wia, waut Eent met Gott wia, wia Hee nie auleen, wiels de Voda wia met Am; jieda Uagenblekj sach Hee Sien Voda Sien Aunjesecht — Joh. 5:19; 16:32; Ps. 16:7–8; vgl. 27:8.
- IV. Wan wie en de Leew bliewen, waut Gott Selfst es, woat de Leew “met ons vollkome jemoakt, doamet wie Friemoot haben en däm Dach vom Jerecht, wiels aus Hee es, soo sent wie uk en dise Welt” (1. Joh. 4:17) — Christus aus de Werkjlichkheit vom Braunt-Opfa läwd en dise Welt een Läwen von Gott aus Leew, un Hee es nu onse Läwen, doamet wie daut selwje Läwen von Leew en dise Welt läwen un daut selwje sennen aus Hee es (3:14; 5:1; 2:6):**
- A. Daut Jesaz vom Jeist vom Läwen en onsem Jeist es daut Jesaz von Christus aus daut Jesaz von Leew (Rma. 8:2; Gal. 6:2–3); daut Jesaz von Leew mott berieet woaren derch daut Jesaz vom Jeist vom Läwen, doamet wie eena dän aundren de Lausten droagen kjennen; oba wan wie met Stolt jefelt sent, woaren wie nich fäich sennen, aundre äare Lausten to droagen, wiels wie ons selfst väalieejen, wan wie meenen, daut wie waut sent, wan wie doch nuscht sent (V. 3).
  - B. Wan daut Jesaz von Leew en ons wirkjt, woaren wie automatisch un von selfst Hoads, waut daut leewende un vejäwende Hoat von onsem Voda-Gott un dän weidenden un sieekjenden Jeist von onsem Rada-Christus haben — Joh. 21:15–17; Luk. 15:3–7.
  - C. Wan daut Jesaz von Leew en ons wirkjt, woat onse Oabeit en däm Harn eene Oabeit von Leew (1.Kor. 15:58; 1.Thess. 1:3), wua wie “de Schwake unjastetten” (Apj. 20:35) un “de Schwake droagen” (1.Thess. 5:14); de Schwake sent dee, waut schwak sent em Jeist ooda enne Seel ooda em Kjarpa, ooda schwak em Gloowen sent (Rma. 14:1; 15:1).
  - D. Hinja Siene Opperstonunk weid de Har Petrus un jeft am dän Oppdrach, Siene Lama to foodren un Siene Schop to weiden; dit es, de Apostolischa Deenst met Christus Sienen himmlischen Deenst toop, om Gott Siene Häad, de Kjoakj, to vesorjen, waut toom Oppbu vom Kjarpa von Christus fieet, om entlich em Niesen Jerusalem foadich woat, fa daut Utfieren von Gott Siene eewje Ekonomie — Joh. 21:15–17.